



МОЛИТВОСЛОВ
православного
воина

Сборник

Молитвослов православного воина

«Благовест»

2015

УДК 243
ББК 86.372

Сборник

Молитвослов православного воина / Сборник — «Благовест»,
2015

ISBN 978-5-9968-0442-9

Содержит тексты избранных молитв, которые приводятся на принятом в богослужении Русской Православной Церкви церковнославянском языке в гражданском начертании.

УДК 243
ББК 86.372

ISBN 978-5-9968-0442-9

© Сборник, 2015
© Благовест, 2015

Содержание

Молитвы перед сражением	6
Во время бедствия и при нападении врагов	7
О ненавидящих и обидящих нас	9
Конец ознакомительного фрагмента.	10

**Редакторы-составители Л. П. Медведева,
Т. А. Левшенко, Е. В. Тростникова**
Молитвослов православного воина

*Рекомендовано к публикации Издательским Советом Русской Православной Церкви
(ИС Р 15-406-3073)*



© Издательство «Благовест» – текст, оформление, оригинал-макет, 2015

Молитвы перед сражением

Тропарь Кресту¹

(*молитва за Отечество*),

глас 1-й

Спаси́, Го́споди, лю́ди Твоя́ и благослови́ досто́яние Твое́, победы́ на сопроти́вныя да́руя и Твое́ сохраня́я Кресто́м Твои́м жи́тельство.

Кондак Кресту,

глас 4-й

Вознеси́ся на Крест во́лею, тезоимени́тому Твоему́ но́вому жи́тельству щедроты́ Твоя́ да́руй, Христе́ Бо́же; возвесели́ нас си́лою Твое́ю, победы́ да́я нам на супоста́ты, посóбие иму́щим Твое́, ору́жие ми́ра, непобеди́мую побéду.

¹ Тексты молитв приводятся на принятом в богослужении Русской Православной Церкви церковнославянском языке. Тропари, кондаки, ирмосы, седальны поются на соответствующую мелодию (глас), но можно и просто читать их.

Во время бедствия и при нападении врагов

Тропарь,

глас 4-й

Скоро предвари, прежде даже не поработимся врагом, хулящим Тя и претящим нам, Христе Бже наш: погуби Крестом Твоим борющия нас, да уразумеют, како может православных вера, молитвами Богородицы, Едине Человеколюбче.

Кондак,

глас 8-й

Возбранный Воеводо и Господи, а да Победителю! Яко избавлься от вечныя смерти, похвальная восписую Ти, создание и раб Твой; но яко имеяй милосердие неизреченное, от всяких мя бед свободи, зовуща: Иисусе, Сыне Божий, помилуй мя.

Псалом 90-й

Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи и от словесе мятежна, плещма Своима осенит тя, и под криле его надебешися: оружием обыдет тя истина Его. Не убойшися от страха ночнаго, от стрелы летящия во дни, от вещи во тме переходящия, от сряща² и беса полуденнаго. Падет от страны твоея тысяща и тма³ одесную тебе, к тебе же не приближится, обаче⁴ очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло, и рана не приближится телеси твоему, яко Ангелом Своим заповесть о тебе сохранити тя во всех путех твоих. На руках возмут тя, да не когда преткнеши о камень ногу твою, на аспида и василиска⁵ наступиши и попереши льва и змия. Яко на Мя упова, и избавлю и: покрыю и, яко позна имя Моё. Воззовет ко Мне, и услышу его: с ним есмь в скорби, изму его, и прославлю его, долготою дней исполню его, и явлю ему спасение Моё.

Молитва Кресту Господню

Да воскреснет Бог, и расточатся врази Его, и да бежат от лица Его ненавидящие Его. Яко исчезает дым, да исчезнут; яко тает воск от лица огня, тако да погибнут бесы от лица любящих Бога и знаменующихся крестным знамением и в веселии глаголющих: радуйся, Пречестный и Животворящий Кресте Господень, прогоняяй бесы силою на тебе пропятаго Господа нашего Иисуса Христа, во ад сшедшаго и поправшаго силу диаволю, и даровавшаго нам тебе, Крест Свой Честный, на прогнание всякаго супостата. О Пречестный и Животворящий Кресте Господень! Помогай ми со Святою Госпожею Девею Богородицею и со всеми святыми во веки. Аминь.

Тропари,

глас 6-й

² От нападения.

³ 10 000, бесчисленное множество.

⁴ Но, однако.

⁵ На ядовитых змей.

Господи Сил, с нами буди: ино́го бо, развѣ Тебѣ⁶, Помощника в скорбех не имамы. Господи Сил, помилуй нас.

Всесвятая Богородице, во время живота⁷ моего не остави мене, человеческому предстательству не ввери мя, но Сама заступи и помилуй мя.

Все упование мое на Тя возлагаю, Мати Божия, сохрани мя под кровом Твоим.

Кондак Пресвятой Богородице,

глас 8-й

Взбранной Воеводе победительная, яко избавльшися от злых, благодарственная воспею Те, раби Твои, Богородице, но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

Молитвы ко Господу

Спасителю мой! Ты положил еси душу Свою, во еже⁸ спасти нас, Ты заповедал еси и нам полагати души своя за други и за ближних наших. Темже радостно иду аз исполнити святую волю Твою и положить жизнь свою за Отечество. Вооружи мя крепостию и мужеством на одоление врагов, даруй ми веру твердую и упование, яко не умру, но жив буду во Царствии Твоем. Аминь.

* * *

Господи Боже наш, послушавый Моисея, простерша к Тебе рuce, и люди Израилевы укрепивый на Амалика, ополчивый Иисуса Навина на брань и повелевый солнцу стати: Ты и ныне, Владыко Господи, услыши нас, молящихся Тебе. Укрепи силою Твоею страну нашу и воинство ея, брани умири и мир утверди. Посли, Господи, невидимо десницу Твою, рабы Твоя заступающую во всех; а имже судил еси положить на брани души своя за веру и Отечество, прости согрешения их и в день праведнаго воздаяния Твоего воздай венцы нетления: яко Твоя держава, Царство и сила, от Тебе помощь вси приедем, на Тя уповаем, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

⁶ Кроме Тебя.

⁷ Жизни.

⁸ Чтобы.

О ненавидящих и обидящих нас

Тропарь,

глас 4-й

О распённых Тя моливыйся, любодушне⁹ Господи, и рабом Твоим о вразех молитися повелёвый, ненавидящих и обидящих нас прости, и от всякаго зла и лукавства к братолюбному и добродетельному настави жителству, смиренно мольбу Тебе приносим; да в согласном единомыслии славим Тя, Единого Человеколюбца.

Кондак,

глас 5-й

Якоже первомученик Твой Стефан о убивающих его моляше Тя, Господи, и мы припадающе молим: ненавидящих всех и обидящих нас прости, во еже ни единому от них нас ради погибнути, но всем спастися благодатию Твоею, Боже Всещедрый.

Молитва, умиревающая во вражде сущих

Благодарим Тя, Владыко Человеколюбче, Царя веков и Подателя благих, разрушившаго вражды средостение и мир подавшаго роду человеческому, даровавшаго и ныне мир рабом Твоим: вкорени в них страх Твой и друг ко другу любовь утверди, угаси всякую распрю, отыми вся разгласия соблазны. Яко Ты еси мир наш, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

Молитва великомученика Феодора Стратилата

Господи Боже Всесильный, всех уповающих на милость Твою не оставляяй, но защищаяй их! Будь мне милостив и соблюди мя от прелести вражия Твоим защищением, да не паду пред сопротивники моими и да не порадуется враг мой о мне. Предстани мне, Спасителю мой, в подвизе сем за имя Твое святое. Ты мя укрепи и утверди и подаждь силу стати мужественно за Тя до крове и положи душу мою по любви к Тебе, якоже и Ты, возлюбив нас, положил еси на Кресте душу Свою за ны. Аминь.

Молитва мученика Евтропия Воина в ранах и страданиях

Боже Вседержителю, Благий и Милостивый, Помощниче во узах и Подателю мужественного терпения в муках! Дажь нам терпение в ранах сих и прииди на помощь к нам, якоже к рабу Твоему мученику Феодору пришёл еси и помогл ему, и всеильною Твоею помощью яви всем, яко мы воистину Тя единого имамы Господа Спаса и Тебе Единому поклоняемся, славяще Тя со Отцем и Святым Духом во веки. Аминь.

⁹ Любящий души человеческие.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.